


BESTANDSPLAN FOR VÅMUR-ROAN VILLREINOMRÅDE

Nr. 7

2021 – 2025



Godkjent av Villreinemnda for Setesdalsområdet 22.10.20

Innhald

1. Bestandsplanens avgrensing og storleik
2. Planperiode
3. Bestandssituasjon
 - 3.1 Bakgrunn
 - 3.2 Bestandsstorleik
 - 3.3 Bestandsstruktur
 - 3.4 Fellingsstatistikk
4. Målsetjing for planperioden
 - 4.1 Måloppnåing plan 2015-2019
 - 4.2 Mål 2021 – 2025
5. Planlagt uttak i perioden
6. Fullmakt

1. Bestandsplanens avgrensing og storleik

Dette er nr.7 av bestandsplanar i Våmur-Roan villreinområde.

I følgje vedtektene er Våmur-Roan eit lag for grunneigarane i kommunane Nissedal, Kviteseid og Fyresdal med areal innafor dei grensene som til ei kvar tid gjeld for Våmur-Roan villreinområde.

Totalt 408 356 da.

Styret i Våmur-Roan villreinlag utarbeider planen.

Styret deltok aktivt i 2019-20 i prosjektet «Villreinens bruk av Våmur-Roan» initiert av Miljødirektoratet.

Erfaringar og ny kompetanse frå dette prosjektet brukar vi då som ei rettesnor i vår utarbeiding av ny bestandsplan 2021 – 2025.

2. Planperiode

Styret har valt ein planperiode på 5 år, 2021 – 2025.

Som i tidlegare planar er stammas storleik og struktur noko usikker.

Difor vel me å fylgje aktivt med på stammas utvikling, og ved behov endre avskjotinga.

3. Bestandssituasjon

3.1 Bakgrunn

Våmur-Roan villreinområde vart oppretta i 1992 og det vart felt 10 dyr som eit prøveuttak dette året.

I den fyrste ordinære jakta i 1993 vart det skote 29 dyr av ei kvote på 35 dyr.

I åra fram til 2006 vart det årleg felt mellom 15 og 48 dyr.

I 2006 og 2007 vart det vedteke å frede stamma då ein gjekk ut frå at ho var nede i 100 vinterdyr.

I åra 2008 og 2009 vart det felt 20 dyr i året.

Den nye bestandsplanen i 2010 la som utgangspunkt at stamma var på i overkant av 200 vinterdyr der fellingsplanen var på 50 dyr årleg i fem år.

I 2011 vart fellingsplanen auka til 60, vidare til 90 i 2012 og dei siste to åra til 100 dyr i året. I desse åra vart det felt mellom 38 til 74 dyr.

Den siste planen frå 2015 til 2019 la opp til eit planlagt uttak på 80 fyrste året, 68 andre året og 56 dei tre siste. Med dette uttaket var intensjonen å komme ned til bestandsmålet på 200 vinterdyr.

Fellingsplanen vart endra noko men fellinga varierte frå 64 i 2015 til 33 i 2018 og til slutt 42 i 2019. *Sjå Tabell 1. Pkt.3.4*

3.2 Bestandsstorleik

For om mogleg å få ein betre oversikt over bestanden og strukturen har me hatt helikopterteljing i 2012, 2014, 2016 og den siste i 2018. Me har god erfaring med desse teljingane då me nyttar ein lokal, reinsdyrinteressert pilot som set si ære i å finne dei dyra me har. Ved siste teljinga i 2018 vart det observera 163 dyr totalt.

For jakta 2019 og 2020 vurderar styret at uttaket har ligge litt under tilveksten og at vi dermed har ei stamme på om lag 175 dyr.



3.3 Bestandsstruktur

Ut i frå sett-rein skjema og fellingsresultat ligg me nær planen etter jakt på 20% kalv, 45% simler, 20% bukk 1,5-2,5 år og minst 15% bukk eldre enn 3,5 år.

Slaktevektene i Våmur-Roan held seg på eit relativt høgt nivå. For vaksne dyr har slaktevektene for vaksen bukk avteke noko frå javnt rundt 70kg til 63kg nå i 2019.

Vaksen simle ligg javnt rundt 36 kg dei siste 10 år.

Slaktevektene for ungdyr varierar over år med ein auke til 31kg siste år.

Kalvevektene har avteke noko over år, men er nå stabilt på rundt **21kg**. Dette gjev i følge normen ein **god** slaktevekt.

Dårlig	Middels	God
<15 kg	15–18 kg	>18 kg

Desse vektene som vi har data på sidan 1992 tilseier at vi har ei sunn stamme der vektene er stabile og dyra er i god kondisjon.

Ut i frå sett rein skjema i 2019 har vi ca:

15% kalv

45% simle

20% eldre bukk

Dårlig	Middels	God
<35	30–50	>50

Kvalitetsnormen set der grensa mellom **dårlig** og **middels** på vårt nivå med 35 kalvar på 100 simler.

Tilsvarande har vi **0,4** bukkar per simle noko som og indikerer ein sunn kjønnsbalanse

Dårlig	Middels	God
<0,20	0,20–0,35	>0,35

3.4 Fellingsstatistikk

Tabell:1 Oversikt over felt rein Våmur-Roan i perioden 1993 fram til 2019. Storbukk freda i 2003 og 2004 og alt var freda i 2006 og 2007.

ÅR	Kalv	1 ½ år	Eldre bukk	Eldre simle	Totalt	Tillatt felt	% Felte hanndyr	% Felte hunndyr	% Felt
1993	9	3	9	8	29	35	44,8	55,2	82,9
1994	14	8	14	12	48	55	58,3	41,7	87,3
1995	14	5	12	8	39	70	51,3	48,7	55,7
1996	19	4	17	7	47	70	53,2	46,8	67,1
1997	11	9	10	7	37	70	56,8	43,2	52,9
1998	9	2	6	6	23	70	39,1	60,9	32,9
1999	6	2	8	10	26	70	38,5	61,5	33,8
2000	6	4	3	4	17	40	52,9	47,1	42,5
2001	7	4	4	1	16	40	75	25	40
2002	8	1	5	7	21	40	38,1	61,9	52,5
2003	8	5	1	2	16	36	50	50	44,4
2004	8	5	3	3	19	37	52,6	47,4	51,4
2005	5	3	4	3	15	20	60	40	75
2006									
2007									
2008	11	4	2	3	20	30	60	40	66,7
2009	9	3	6	2	20	30	60	40	66,7
2010	15	8	5	10	38	50	44,7	55,3	76
2011	15	13	9	10	47	60	38,3	61,7	78,3
2012	28	11	13	18	70	90	44,3	55,7	77,8
2013	20	15	10	14	59	100	54,2	45,8	59
2014	24	11	13	26	74	100	36,5	63,5	74
2015	25	11	8	20	64	80	39	61	80
2016	22	6	16	16	60	80	51,7	48,3	75
2017	17	5	14	14	50	80	52	48	62,5
2018	12	4	7	10	33	55	36,4	63,6	60
2019	12	8	10	12	42	55	50	50	76,4

4. Målsetjing for planperioden

Hovudmål

- Halde ein stabil vinterbestand på ca 200 dyr. Bestanden skal ha ein god struktur og kondisjon og skal i perioden oppnå god tilstand under delnorma «Bestandsforhold» etter kvalitetsnorm for villrein.

Strategi for å oppnå hovudmålet

- Fortsetje med innlevering og kartlegging av sett-rein skjema
- Gjennomføre teljingar med mål på storleik og struktur på reinsdyrstamma.
- Fortsetje med kontrollveging og kjeveinnlevering frå alle felte dyr.

Vi har søkt Miljødirektoratet og fått tilskot til teljing av stamma no i 2020 for å ha eit sikrere grunnlag for planen. Dette er utsett til 2021 grunna korona.

5. Planlagt uttak i perioden

Ut i frå storleiken på stamma som styret antek ligg marginalt under 200 dyr ynskjer vi å fortsetje med det uttaket vi har hatt dei siste to åra på 55 dyr.

Fordeling: 42% kalv
 33% simle/ungdyr
 25% frie dyr

Dersom me då gjeng ut frå ei felling på ca 70% vil me då få ei felling på i underkant av 40 dyr.

Med dette uttaket meiner me at vinterstamma vil halde seg rundt bestandsmålet på 200 dyr.

Retningsliner i planperioden:

- I staden for vaksne dyr kan det fellast kalv
- Som nevnt i målsetjinga held me fram med sett-rein skjema og kontrollveging.

FOTNOTE: Grunna den usikre bestandsstorleiken og vanskane med å kartleggje strukturen i stamma er det viktig å fylgje nøye med på utviklinga av bestanden frå år til år. Som alltid vil vi legge fram årlig avskytingsplan for villreinnemnda. Ny kunnskap når det gjeld CWD, fotråte, insektsplager og andre moment som er vektlagt i den nye miljøkvalitetsnormen, kan gjere at strategien må endrast gjennom planperioden.

PLANLAGD KVOTE FOR REIN 2021-2025 VÅMUR – ROAN VILLREINOMRÅDE				
År	Kalv	Simle/ungdyr	Frie dyr	Sum
2021	23	18	14	55
2022	23	18	14	55
2023	23	18	14	55
2024	23	18	14	55
2025	23	18	14	55
Sum	115	90	70	275
% fordeling	42%	33%	25%	100%

6. FULLMAKT

Leiaren i Våmur- Roan villreinområde har, på vegne av årsmøtevedtak i laget, fullmakt til å sende inn bestandsplanen til godkjenning av Villreinnemnda.

Stad: _____

Dato: _____

Leiar villreinlaget

Bestandsplanen er godkjend

Stad: _____

Dato: _____

For villreinnemnda